

# Masalah bateri komputer

**B**AGAIMANAKAH untuk memperbetul masalah bateri komputer riba yang tidak dicas ketika sambung ke kuasa elektrik?

- AHMAD, NILAI.

Biasanya apabila komputer riba mempunyai masalah ini, satu paparan peringatan akan diberi dalam sistem Windows seperti plugged in atau *not charging*. Masalah ini boleh dicuba dengan satu fungsi penentuan bateri yang terdapat dalam sistem Windows secara percuma.

Kaedahnya adalah seperti berikut.

**1** Tutup sistem Windows dengan menekan butang *Shut Down*.

**2** Tutup sistem komputer dengan menekan butang fizikal *power* atau kuasa yang terdapat pada komputer riba.

**3** Setelah pastikan komputer riba ditutup sistemnya secara lengkap, tanggalkan palam arus ulang alik (AC) dari komputer riba dan punca bekalan kuasa elektrik.

## Diskusi ICT



Bersama **FIRKHAN**  
sembangict@yahoo.com

**4** Seterusnya, buka dan pisahkan bateri daripada komputer riba tersebut.

**5** Kemudian, sambungkan kembali palam AC ke soketnya pada komputer riba tersebut dan punca bekalan kuasa. Hidupkan suis kuasa elektrik.

**6** Tekan butang 'ON' atau buka komputer riba sehingga masuk ke dalam sistem Windows.

**7** Di dalam sistem Windows, pergi ke *Control Panel > Device Manager > Batteries*.

**8** Klik kanan pada menu *Batteries*. Kemudian, klik kiri pada menu *Microsoft ACPI-Compliant Control Method (ACPI) Battery* dan pilih menu *Uninstall device*. Klik butang OK. Sistem Windows akan memasang semula secara

automatik fungsi ini apabila komputer itu dibut semula.

**9** Kemudian, tutup sistem Windows dan klik butang kuasa untuk tutup secara fizikal sistem komputer riba tersebut.

**10** Tanggalkan palam AC daripada komputer riba dan punca bekalan kuasa elektrik. Seterusnya masukan semula bateri komputer riba tersebut.

**11** Kemudian, sambungkan kembali palam AC ke soketnya pada komputer riba tersebut dan punca bekalan kuasa. Hidupkan suis kuasa elektrik.

**12** Buka komputer dan but ke dalam sistem Windows. Sila lihat ke menu bateri dengan klik kanan pada ikon bateri sama ada bateri dicas atau tidak. Kalau bateri dicas kaedah ini berjaya.

**13** Akhir sekali, kosongkan kuasa dan cas semula bateri pada komputer riba tersebut sebanyak tiga kali untuk menyejukkan semula bateri itu kepada suhu bilik ketika proses pengecasan berlaku.